

მიღებულია 2021 წლის 01 ივნისის  
დამფუძნებელთა (წევრთა) კრების  
# 01/06-21-01 გადაწყვეტილების (ოქმის)  
საფუძველზე



არასამეწარმეო (არაკომერციული) იურიდიული პირი  
„საქართველოს პრეციზიული სროლის ფედერაცია  
(სპსფ)“  
Georgian Precision Rifle Federation(GEPRF)

**წესდება**  
(ახალი რედაქცია, 2021 წლის 01 ივნისის ცვლილებებით)

თბილისი  
-2021 წელი-

საქართველოს  
საზღვრული  
თარიღი "  
პ.რ.ა. დანა

## პრეამბულა

ვაგრძელებთ რა საქართველოში არსებულ მრავალწლიან გამოცდილებას პრეციზიული სროლის სფეროში და გვაქვს სურვილი ამ სფეროს კიდევ უფრო განვითარების და ახალ დონეზე აყვანის, მათ შორის, საქართველოს სივრცეში არსებული ამ სფეროს საერთაშორისო მასშტაბზე გასვლის, ამ სფეროს ქართველ პროფესიონალებთან გუნდი საქართველოს სამოქალაქო კოდექსის შესაბამისად ვაფუძნებთ ა(ა)იპ საქართველოს პრეციზიული სროლის ფედერაციას (სპსფ). არასამეწარმეო (არაკომერციულ) იურიდიულ პირი საქართველოს პრეციზიული სროლის ფედერაცია (სპსფ) (ინგლისურად - Georgian Precision Rifle Federation (GEPRF)) წარმოადგენს წევრობაზე დაფუძნებულ არაკომერციულ არასამეწარმეო იურიდიულ პირს, რომლის მიზანია საერთაშორისოდ აღიარებული პრინციპების შესაბამისად ხელი შეუწყოს საქართველოში სპორტული და პრაქტიკული სროლის სახეობების განვითარებას, საქართველოს მოქალაქეებში ცეცხლსასროლი იარაღის მოხმარების/ექსპლუატაციის კულტურის განვითარებას, ცეცხლსასროლი იარაღის ექსპლუატაციისას (შენახვის, მოვლის, გამოყენებისას) უსაფრთხოების წესების დანერგვას და განვითარებას. ფედერაციის მიზანია სპორტული და პრაქტიკული სროლის სახეობებში ადგილობრივი და საერთაშორისო შეჯიბრების და ტურნირების ჩატარების ორგანიზება.

### I ზოგადი დებულებები

#### 1. ფედერაციის სახელწოდება

1.1. ფედერაციის სრული სახელწოდებაა: ქართულად - არასამეწარმეო (არაკომერციული) იურიდიული პირი „საქართველოს პრეციზიული სროლის ფედერაცია“; ინგლისურად - Non-entrepreneurial (Non-commercial) Legal Entity “Georgian Precision Rifle Federation”.

1.2. ფედერაციის შემოკლებული სახელწოდებაა: ა(ა)იპ „სპსფ“; ინგლისურად - LEPL “GEPRF”.

#### 2. სამართლებრივი სტატუსი

2.1. არასამეწარმეო (არაკომერციული) იურიდიული პირი „საქართველოს პრეციზიული სროლის ფედერაცია“ რეგისტრირებულია სსიპ საჯარო რეესტრის ეროვნული სააგენტოს მიერ 01/06/2016 წელს და მისი საიდენტიფიკაციო ნომერია: 402034286.

2.2. „საქართველოს პრეციზიული სროლის ფედერაცია“ (შემდგომში „ფედერაცია“) წარმოადგენს პირთა წევრობაზე დაფუძნებულ არასამეწარმეო (არაკომერციულ) იურიდიულ პირს, რომელიც შექმნილია საქართველოს სამოქალაქო კოდექსის შესაბამისად და თავის საქმიანობას წარმართავს საქართველოს კონსტიტუციის, სამოქალაქო კოდექსის, საქართველოს მოქმედი კანონმდებლობის, საკუთარი წესდებისა და სხვა დოკუმენტების საფუძველზე.

2.3. „ფედერაციის“ სამართლებრივი ფორმაა: არასამეწარმეო (არაკომერციული) იურიდიული პირი.

2.4. არასამეწარმეო (არაკომერციული) იურიდიული პირი თავისი წევრის (წევრების), აგრეთვე ხელმძღვანელობისა და წარმომადგენლობითი უფლებამოსილების მქონე პირის (პირების) მდგომარეობისაგან დამოუკიდებელია. არასამეწარმეო (არაკომერციული) იურიდიული პირის პასუხისმგებლობა შემოიფარგლება მისი ქონებით. არასამეწარმეო (არაკომერციული) იურიდიული პირის ვალდებულებებისათვის მისი წევრები, აგრეთვე მისი ხელმძღვანელობისა და წარმომადგენლობითი უფლებამოსილების მქონე პირი



(პირები) პასუხს არ აგებენ. ასევე არ აგებს პასუხს არასამეწარმეო (არაკომერციული) იურიდიული პირი საკუთარი წევრების, აგრეთვე თავისი ხელმძღვანელობისა და წარმომადგენლობითი უფლებამოსილების მქონე პირის (პირების) ვალდებულებებისათვის.

2.5. „ფედერაცია“ უფლებამოსილია თავისი სახელით დადოს გარიგებები, შეიძინოს ქონებრივი და არაქონებრივი უფლებები და იკისროს მოვალეობები, იყოს მოსარჩელე და/ან მოპასუხე სასამართლოში.

2.6. „ფედერაცია“ წარმოადგენს იურიდიულ პირს, რომელსაც აქვს დამოუკიდებელი ბალანსი და განცალკევებული (საკუთარი) ქონება, საანგარიშსწორებო და სავალუტო ანგარიშები საქართველოს და უცხო ქვეყნ(ებ)ის საბანკო დაწესებულებებში.

2.7. „ფედერაციას“ აქვს არასამეწარმეო (არაკომერციული) იურიდიული პირისთვის აუცილებელი ყველა რეკვიზიტი. გარდა ამისა, „ფედერაცია“ უფლებამოსილია იქონიოს ბეჭედი და ბლანკი.

### 3. ფედერაციის იურიდიული მისამართი და ელექტრონული მისამართი

3.1. ფედერაციის იურიდიული მისამართია: საქართველო, თბილისი, კატო მიქელაძის I ჩიხი #11.

3.2. ფედერაციის ელექტრონული ფოსტის მისამართია: [info@prf.ge](mailto:info@prf.ge).

3.3. ფედერაციის ვებ გვერდია: [www.PRF.ge](http://www.PRF.ge).

### 4. ფედერაციის ხანგრძლივობა

4.1. „საქართველოს პრეციზიული სროლის ფედერაცია“ შექმნილია განუსაზღვრელი ვადით.

## II. ფედერაციის მიზნები, ფუნქციები და საქმიანობა

### 5. ფედერაციის მიზნები და ფუნქციები

5.1. ფედერაციის მიზნები და ფუნქციებია:

i. საქართველოს მოქალაქეებში ცეცხლსასროლი იარაღის მოხმარების/ექსპლუატაციის კულტურის განვითარება.

ii. ცეცხლსასროლი იარაღის ექსპლუატაციისას (შენახვის, მოვლის, გამოყენებისას) უსაფრთხოების წესების დანერგვა და განვითარება.

iii. სპორტული და პრაქტიკული სროლის სახეობების განვითარება.

iv. სპორტული და პრაქტიკული სროლის სახეობებში ადგილობრივი და საერთაშორისო შეჯიბრების და ტურნირების ჩატარება.

v. საქართველოს სახელით საერთაშორისო შეჯიბრებებში მონაწილეობის მიღება.

vi. მონაწილეობა კანონშემოქმედებით საქმიანობაში.

vii. სპორტული და პრაქტიკული სროლის სახეობების სფეროს განვითარებისთვის ხელსაყრელი საკანონმდებლო ბაზის შექმნისა და სრულყოფის ხელშეწყობა.

viii. საქართველოში ცეცხლსასროლი იარაღის და ზუსტი სროლის სახეობათა განვითარება და პოპულარიზაცია, როგორც პროფესიულ, ასევე სამოყვარულო დონეზე.

ix. ცეცხლსასროლი იარაღის და ზუსტი სროლის სახეობათა სფეროს რეკლამირება.

x. საქართველოს საზღვრებს გარეთ ამ ფედერაციის ანალოგიურ ორგანიზაციებთან, კლუბებთან, მათ პერიოდულ გამოცემებთან კონტაქტი ქართული აუდიტორიისათვის ინფორმაციის მიწოდების, გამოცდილების გაზიარების, ერთობლივი საერთაშორისო ღონისძიებების ორგანიზების მიზნით.



- xi. მონაწილეობა სამეცნიერო-კვლევით საქმიანობაში.
  - xii. საქართველოში ტურიზმის განვითარების ხელშეწყობა.
  - xiii. სპორტული და პრაქტიკული სროლის სახეობებში სპორტსმენების და ტალანტების მოძიება და მათი მენეჯმენტი, მათი გამოყვანა სხვადასხვა პოპულარულ შეჯიბრებზე, სპორტული კარიერის განვითარება.
  - xiv. პროფესიული ეთიკის ნორმების მაღალი სტანდარტების დამკვიდრება და დაცვა.
  - xv. სროლის სახეობების განვითარება, სროლის კულტურის გაზრდა.
  - xvi. ფედერაციის მიზანია სროლის სახეობებისთვის სპორტული სტატუსის მინიჭება და აქტიური მუშაობა ამ სფეროს კანონმდებლობის ლიბერალიზაციისთვის.
  - xvii. სფეროს განვითარებასთან დაკავშირებული სხვა საქმიანობა.
- 5.2. ფედერაცია ზემოაღნიშნული მიზნების მისაღწევად როგორც ქვეყნის შიგნით, ასევე საქართველოს ფარგლებს გარეთ თანამშრომლობს სპორტულ და საზოგადოებრივ ორგანიზაციებთან, სახელმწიფო უწყებებთან/ ორგანოებთან, ასევე სხვა ქვეყნ(ებ)ის შესაბამის სახეობათა ფედერაციებთან და ასოციაციებთან.

## 6. ფედერაციის საქმიანობა

- 6.1. გაცხადებული საწესდებო მიზნების მისაღწევად და ფუნქციების განსახორციელებლად ფედერაცია ეწევა შემდეგ საქმიანობას:
- i. მონაწილეობას იღებს სამეცნიერო-კვლევით საქმიანობაში.
  - ii. მონაწილეობას იღებს კანონშემოქმედებით საქმიანობაში.
  - iii. მონაწილეობას იღებს და ორგანიზებას უწევს სხვადასხვა სპორტული და პრაქტიკული სროლის სახეობებში ადგილობრივ და საერთაშორისო შეჯიბრებს და ტურნირებს.
  - iv. მონაწილეობას იღებს და ორგანიზებას უწევს სხვადასხვა სემინარებს, დისკუსიებს, მრგვალ მაგიდებს და სხვა პროექტების განხორციელებას.
  - v. მოიძიებს დაფინანსების წყაროებს.
  - vi. მიიღებს და გასცემს გრანტებს.
  - vii. გამოსცემს ფედერაციის პერიოდულ ჟურნალს.
  - viii. ფედერაცია ახორციელებს ნებისმიერ სხვა საქმიანობას, რაც დაკავშირებულია მისი მიზნების და ფუნქციების განხორციელებასთან და არ ეწინააღმდეგება მოქმედ კანონმდებლობას.
- 6.2. გაცხადებული საწესდებო მიზნების მისაღწევად და ფუნქციების განსახორციელებლად ფედერაცია უფლებამოსილია ეწეოდეს დამხმარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს არასამეწარმეო (არაკომერციული) იურიდიული პირის მიზნების რეალიზებას. ასეთი საქმიანობის შედეგად მიღებული მოგების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუმჯებელია.

## III. ფედერაციის წევრობა

### 7. ფედერაციის დამფუძნებელი წევრები

- 7.1. ფედერაციას ყავს ორი კატეგორიის წევრები: ა. დამფუძნებელი წევრები (დამფუძნებლები), რომლებიც ჩამოთვლილია ამ წესდების 7.2. პუნქტში; და ბ. წევრები, რომელთა მიღება მოხდება შემდგომში, ამ წესდების საფუძველზე ფედერაციის მმართველობითი საბჭოს მიერ.

ამ საბჭოს  
 განსუ  
 №777  
 პენსია



7.2. ფედერაციის დამფუძნებელი წევრები (დამფუძნებლები) არიან:

i. ფრიდონ ბეროშვილი (პირადი ნომერი: 01017007549; დაბადების თარიღი: 18.08.1972 წელი; რეგისტრირებული საცხოვრებელი მისამართი: საქართველო, ქალაქი თბილისი, წყნეთის შესახვევი, N 5, ბინა 60.)

ii. ოთარ კიშინსკი (პირადი ნომერი: 33001017478; დაბადების თარიღი: 14.07.1985 წელი; რეგისტრირებული საცხოვრებელი მისამართი: საქართველო, ქალაქი თბილისი, კატო მიქელაძის I ჩიხი, N 11.)

iii. დავით მეშველიშვილი (პირადი ნომერი: 01020005995; დაბადების თარიღი: 03.02.1975 წელი; რეგისტრირებული საცხოვრებელი მისამართი: საქართველო, ქალაქი თბილისი, III მასივი, ზემო პლატო, კორპუსი 40, ბინა 50.)

iv. გიორგი მრელაშვილი (პირადი ნომერი: 01030017310; დაბადების თარიღი: 11.07.1977 წელი; რეგისტრირებული საცხოვრებელი მისამართი: საქართველო, ქალაქი თბილისი, წყნეთის გზატ. N 2 ბ. 85.)

7.3. ფედერაციის დამფუძნებელ წევრებს აქვთ განსაკუთრებული უფლებები და მოვალეობები ფედერაციის წინაშე, რაც განმტკიცებულია წინამდებარე წესდებით.

## 8. ფედერაციის წევრები

8.1. ფედერაციის წევრი შეიძლება გახდეს ფიზიკური პირი, საქართველოს მოქალაქე, რომელიც იზიარებს ა(ა)იპ „საქართველოს პრეციზიული სროლის ფედერაციის“ მიზნებს, რომელიც ეთანხმება ფედერაციის წესდებას და აკმაყოფილებს ქვემოთ ჩამოთვლილი პირობებს:

8.1.1. ფედერაციის წევრობის მსურველი უნდა იყოს სრულწლოვანი, სრულად ქმედუნარიანი საქართველოს მოქალაქე;

8.1.2. ფედერაციის წევრობის მსურველს საკუთრებაში უნდა ჰქონდეს შსს-ს მომსახურების სააგენტოს მიერ გაცემული, სულ მცირე, ერთი ცეცხლსასროლი იარაღის შენახვა/გადატანის ნებართვა;

8.1.3. ფედერაციის წევრობის მსურველი არ უნდა იყოს ნასამართლევ მძიმე და/ან განსაკუთრებით მძიმე დანაშაულის მუხლებით;

8.1.4. ფედერაციის წევრი შეიძლება გახდეს საქართველოს მოქალაქე. უცხო ქვეყნის მოქალაქის წევრად მიღების წინაპირობები განისაზღვრება მმართველთა საბჭოს გადაწყვეტილებით.

8.1.5. ფედერაციის წევრობის მსურველი თავისი ქმედებით უნდა იცავდეს სექტორის ინტერესებს და კოლეგიალობის პრინციპებს

8.2. ფედერაციის წევრად პირის მიღებას და გარიცხვას ახდენს მმართველთა საბჭო, რომლის გადაწყვეტილება მიიღება საბჭოს წევრთა სიითი შემადგენლობის ხმათა უმრავლესობით.

8.3. მმართველთა საბჭო პირის ფედერაციის წევრად მიღების საკითხს წყვეტს განცხადების შემოსვლის შემდგომ საბჭოს პირველივე სხდომაზე. საბჭო ადგენს პირის წევრად მიღების, საწევრო გადასახადის გამოანგარიშებისა და გადახდის წესს და ადგენს განცხადების ფორმას.

8.4. ფედერაციაში გაწევრიანების თაობაზე განაცხადს წარადგენს მხოლოდ მსურველი პირი პირადად. განაცხადის წარმოდგენა შესაძლებელია ელექტრონულადაც.

8.5. მმართველთა საბჭოს წევრებს უფლება აქვთ გაესაუბრონ ნებისმიერ კანდიდატს, რომელსაც სურს ფედერაციის წევრობა. ასევე მმართველთა საბჭოს წევრებს აქვთ უფლება კანონიერი გზით მოიძიონ ყველა ხელმისაწვდომი ინფორმაცია კანდიდატის შესახებ.



8.6. ფედერაციის წევრობის შეჩერებისა და შეწყვეტის საკითხები წესრიგდება ამ წესდებით, მმართველთა საბჭოს მიერ დადგენილი წევრობის შეჩერებისა და შეწყვეტის პროცედურული (ნორმატიული) წესისა და დამტკიცებული დისციპლინური ნორმებით (ასეთის არსებობის შემთხვევაში).

8.7. იმ შემთხვევაში, თუ წევრობის მსურველი პირი დამალავს ნასამართლობას და გახდება ფედერაციის წევრი, ხოლო მმართველთა საბჭო დაადგენს მის ნასამართლობას, აღნიშნული წევრი ავტომატურ იქნება გარიცხული ფედერაციის წევრობიდან.

8.8. ასევე ავტომატურად შეუწყდება ფედერაციის წევრობა იმ პირს, რომელიც ფედერაციის წევრობის პერიოდში სასამართლო კანონიერ ძალაში შესული განაჩენით დამნაშავედ იქნება ცნობილი მძიმე და/ან განსაკუთრებით მძიმე დანაშაულის ჩადენაში.

8.9. ფედერაციის წევრობა შეუწყდება პირს:

8.9.1. საკუთარი გადაწყვეტილებით, პირადი განცხადების საფუძველზე;

8.9.2. სასამართლო გადაწყვეტილებით თუ იგი სასამართლომ ცნო შეზღუდულ ქმედუნარიანად ან მხარდაჭერის მიმღებ პირად, აღიარა უგზო-უკვლოდ დაკარგულად ან გამოაცხადა გარდაცვლილად.

8.9.3. მისი გარდაცვალების შემთხვევაში.

8.9.4. თუ მისი საქმიანობა, და/ან ქმედება ეწინააღმდეგება ფედერაციის მიზნებს.

8.9.5. წლიური საწევრო გადასახადის გადაუხდელობის შემთხვევაში.

8.9.6. თუ დადგენილ ვადაში არ აღმოიფხვრა წევრობის შეჩერების შესაბამისი საფუძველი.

8.9.7. მმართველთა საბჭოს გადაწყვეტილებით, ყოველგვარი დასაბუთების საჭიროების გარეშე.

8.10. ფედერაციის წევრობა პირს შეიძლება შეუჩერდეს:

8.10.1. საკუთარი გადაწყვეტილებით, პირადი განცხადების საფუძველზე.

8.10.2. წლიური საწევრო გადასახადის გადაუხდელობის შემთხვევაში.

8.10.3. თუ მისი საქმიანობა, და/ან ქმედება ეწინააღმდეგება ფედერაციის მიზნებს.

8.10.4. მმართველთა საბჭოს გადაწყვეტილებით, ყოველგვარი დასაბუთების საჭიროების გარეშე.

8.11. ფედერაციის წევრს უფლება აქვს:

8.11.1. აირჩიოს და არჩეულ იქნას ფედერაციის მართვის ორგანოებში.

8.11.2. მიიღოს მონაწილეობა ფედერაციის საერთო კრების მუშაობაში.

8.11.3. მონაწილეობდეს ფედერაციის სხვადასხვა ღონისძიებებში, პროგრამებსა და პროექტებში, მათ შემუშავებასა და განხილვაში.

8.11.4. თავისი სურვილით შეიჩეროს წევრობა ან გავიდეს ფედერაციის წევრობიდან.

8.12. ფედერაციის წევრი მოვალეა:

8.12.1. დაიცვას ფედერაციის წესდება, დაიცვას პროფესიული ეთიკის სტანდარტები, კოდექსი, ფედერაციის შინაგანაწესი და ფედერაციის მმართველი ორგანოების მიერ მიღებული გადაწყვეტილებები.

8.12.2. გაუფრთხილდეს ფედერაციის ღირსებას, საქმიან რეპუტაციას, ავტორიტეტსა და ქონებას.

8.12.3. დროულად და დადგენილი წესით გადაიხადოს საწევრო შენატანი.

8.12.4. ფედერაციას გონივრულ ვადაში მიაწოდოს ინფორმაცია მისი საკონტაქტო ინფორმაციის (მისამართი, ტელეფონი, ელ. ფოსტა და ა.შ.) ცვლილების თაობაზე.

8.12.5. შესაძლებლობებისა და ინტერესების შესაბამისად მონაწილეობდეს ფედერაციის საქმიანობაში.

10  
წ.

საპარ  
საპარ  
თარი  
გ.რ.



8.12.6. პროფესიულ საქმიანობაში იხელმძღვანელოს ფედერაციის მიზნებით, დადგენილი შიდა წესებითა და ეთიკის ნორმებით.

8.12.7. გადაიხადოს საწევრო გადასახადი ფედერაციის მიერ დადგენილი წესითა და ოდენობით.

8.13. ყველა წევრს აქვს თანაბარი უფლება-მოვალეობები და სარგებლობს ერთნაირი შედეგებით ფედერაციის მიერ ორგანიზებულ ღონისძიებებში/პროექტებში.

#### **9. ფედერაციის საწევრო გადასახადი**

9.1. ფედერაციის წევრობისთვის საწევრო ყოველწლიური (ერთი სრული წლის განმავლობაში) გადასახადი ერთ წევრზე არის 360 (სამასსამოცი) ლარი.

9.2. ფედერაციის წევრობისთვის დადგენილი წლიური საწევრო გადასახადის ოდენობა და გადახდის წესი, პრინციპები და გრაფიკი მომავალში განისაზღვრება მმართველთა საბჭოს მიერ, სრული შემადგენლობის ხმების უმრავლესობით.

9.3. საწევრო გადასახადის გადახდა შესაძლებელია ყოველთვიურად, კვარტლურად, ან ერთჯერადად.

9.4. გადახდილი საწევრო გადასახადის თანხა უკან არ ბრუნდება.

9.5. ფედერაციას შეუძლია მიიღოს შემოწირულობები, რომელიც მოხმარდება ფედერაციის გაცხადებულ საწესდებო მიზნებს.

9.6. საწევრო გადასახადით აკუმულირებული თანხები მოხმარდება ფედერაციის განვითარებას და ფედერაციის გაცხადებულ საწესდებო მიზნებს, სროლის სახეობების განვითარებას, სროლის კულტურის გაზრდას, უსაფრთხოების წესების დანერგვას და გავრცელებას, საგანმანათლებლო საქმიანობას, საერთაშორისო ორგანიზაციებში ფედერაციის გაწევრიანებას, შეჯიბრების მოწყობას და რეიტინგების წარმოებას.

9.7. საწევრო გადასახადის გადაუხდელობის შემთხვევაში მმართველთა საბჭოს გადაწყვეტილებით პირს შესაძლოა შეუჩერდეს ან შეუწყდეს ფედერაციის წევრის სტატუსი.

#### **IV. ფედერაციის მართვა**

#### **10. ფედერაციის საქმიანობის ორგანიზება**

10.1. ფედერაციის მმართველი ორგანოებია: ფედერაციის წევრთა საერთო კრება (შემდგომში - საერთო კრება), ფედერაციის მმართველთა საბჭოს თავმჯდომარე (შემდგომში - თავმჯდომარე) და ფედერაციის მმართველთა საბჭო (შემდგომში - საბჭო).

10.2. საბჭოს საქმიანობის ადმინისტრირებასა და ორგანიზაციულ-ანალიტიკურ მხარდაჭერას ახორციელებს საბჭოს სამდივნო (შემდგომში - სამდივნო).

#### **11. ფედერაციის საერთო კრება**

11.1. ფედერაციის უმაღლესი მმართველობითი ორგანოა ფედერაციის წევრთა საერთო კრება(შემდგომში - „საერთო კრება“), რომელიც ტარდება მინიმუმ წელიწადში ერთხელ, როგორც წესი, ყოველი წლის ივნისის თვეში.

11.2. თითოეულ წევრს უფლება აქვს პირადად მიიღოს მონაწილეობა საერთო კრებაში, გამოთქვას საკუთარი აზრი და მისცეს ხმა.

11.3. საერთო კრების დღის წესრიგი ფედერაციის წევრებს ეცნობებათ საერთო კრების წინ არაუგვიანეს 14 კალენდარული ადრე. კრებაზე მონაწილეობის უფლებამოსილ წევრს შეუძლია შეიტანოს დამატება დღის წესრიგში კრების დღემდე 7 კალენდარული დღით ადრე, საკითხის შეტანა კრებაზე განსახილველად გადაწყდება საერთო კრებაზე.



11.4. საერთო კრება უფლებამოსილია, თუ მას ესწრება ფედერაციის რეგისტრირებულ წევრთა სრული შემადგენლობის ნახევარზე მეტი (აქ ითვლება წერილობით ან სხვა ტექნიკური საშუალებით ხმის მიმცემი წევრებიც) და მინიმუმ 3 დამფუძნებელი წევრი. საერთო კრება გადაწყვეტილებებს იღებს დამსწრეთა უბრალო უმრავლესობით (ყოველი კენჭისყრისას ქვორუმის მინიმალური ოდენობის არსებობა გადამოწმდეს), თუ წესდებით ან კანონით სხვა რამე არ არის გათვალისწინებული.

11.5. თუ საერთო კრება არ არის გადაწყვეტილებაუნარიანი (ქვორუმის არარსებობის გამო), მაშინ საერთო კრება ხელახლა მოიწვევა იმავე დღეს, იმავე წესითა და იმავე დღის წესრიგით. მეორე საერთო კრება გადაწყვეტილებაუნარიანია თუ მას ესწრება მინიმუმ 3 დამფუძნებელი წევრი.

11.6. საერთო კრებაზე ფედერაციის თითოეულ წევრს აქვს ერთი ხმა. ხმის გადაცემა დაუშვებელია. საერთო კრების მონაწილეებმა დღის წესრიგით გათვალისწინებულ საკითხზე ხმის მიცემა შეიძლება განახორციელონ წერილობით, მექანიკური და ელექტრონული საშუალებებით. ამ საშუალებებით ხმის მიცემის საკითხს და ჩატარების წესს წყვეტს მმართველთა საბჭო.

11.7. მორიგი საერთო კრების მოწვევის შესახებ გადაწყვეტილებას იღებს თავმჯდომარე. გადაწყვეტილებაში აღინიშნება კრების ჩატარების თარიღი, ადგილი, დრო, დღის წესრიგი და ხმის მიცემის ფორმა. საერთო კრების მოწვევის შესახებ გადაწყვეტილება უნდა განთავსდეს ფედერაციის ვებ-გვერდზე მის ჩატარებამდე სულ მცირე 14 კალენდარული დღით ადრე. კრების მოწვევის შეტყობინება წევრებს ეგზავნება რეესტრში მითითებულ ელექტრონულ ფოსტაზე.

11.8. თავმჯდომარე ვალდებულია რიგგარე კრების მოწვევის მოთხოვნის მიღებიდან 10 კალენდარული დღის ვადაში დანიშნოს რიგგარეშე კრების თარიღი. რიგგარეშე კრება უნდა ჩატარდეს მოთხოვნის მიღებიდან არაუგვიანეს 30 კალენდარული დღისა. ამასთანავე, თავმჯდომარე ვალდებულია კრების დღის წესრიგში შეიტანოს ის საკითხ(ებ)ი, რომლის განხილვასაც ითხოვს რიგგარეშე კრების მოწვევის ინიციატორი.

11.9. თუ თავმჯდომარე დადგენილ ვადაში არ მოიწვევს მორიგ ან რიგგარეშე საერთო კრებას ან ფედერაციას არ ჰყავს თავმჯდომარე, კრების მოწვევის ვალდებულება აქვს საბჭოს.

11.10. საერთო კრებას ხელმძღვანელობს ფედერაციის თავმჯდომარე. მისი არყოფნისას საერთო კრებას თავმჯდომარეობს ფედერაციის თავმჯდომარის მოვალეობის შემსრულებელი.

11.11. საერთო კრებისა და მიღებული გადაწყვეტილებ(ებ)ის შესახებ დგება ოქმი, რომელსაც ხელს აწერს საერთო კრების თავმჯდომარე.

11.12. საერთო კრება არ არის უფლებამოსილი გადაწყვეტილება მიიღოს თავის უფლებამოსილებაში შემავალ ისეთ საკითხებზე, რომლებიც არ არის გათვალისწინებული შესაბამისი საერთო კრების დღის წესრიგით.

11.13. საერთო კრება უფლებამოსილია გადაწყვიტოს ნებისმიერი საკითხი, რაც დაკავშირებულია ფედერაციის საქმიანობასთან.

## 12. ფედერაციის საერთო კრების მიმდინარეობა

12.1. საერთო კრებას ხსნის და უძღვება კრების თავმჯდომარე, რომელიც: აცხადებს კრებას გახსნილად, აცნობს წევრებს სხდომის რეგლამენტსა და დღის წესრიგს; უძღვება საკითხის განხილვას, საკითხის შინაარსიდან გამომდინარე სიტყვას აძლევს და ჩამოართმევს გამომსვლელს; კენჭისყრაზე აყენებს საკითხს და აცხადებს კენჭისყრის შედეგებს;



უზრუნველყოფს კრებაზე წესრიგის დაცვას; იღებს ზომებს სხდომაზე წესრიგის შესანარჩუნებლად იმ წევრის მიმართ, რომელიც უხეშად არღვევს რეგლამენტით გათვალისწინებულ წესს ან ხელს უშლის სხდომის მიმდინარეობას; საჭიროების შემთხვევაში აცხადებს შესვენებას; ახორციელებს წესდებით და შესაბამისი რეგლამენტით მისთვის მინიჭებულ სხვა უფლებამოსილებებს.

12.2. თავმჯდომარე კრებას წარმართავს წესდებითა და არსებობის შემთხვევაში, კრების რეგლამენტით განსაზღვრული პროცედურით.

12.3. თუ ფედერაციის წესდება რეგლამენტისგან განსხვავებულ წესს ადგენს, უპირატესობა მიენიჭება ფედერაციის წესდებას.

12.4. წევრი, რომელიც რეგისტრაციის გავლის შემდეგ დატოვებს შენობას, კრებაზე დაიშვება მხოლოდ მანდატის წარმოდგენის საფუძველზე.

12.5. კრებაზე არ დაიშვებიან რეგისტრაციის დასრულების შემდგომ გამოცხადებული წევრები.

12.6. კრებას საბჭოს მიერ დადგენილი წესის შესაბამისად შეიძლება დაესწრონ დაინტერესებული ორგანიზაციების მიერ მოვლენილი დამკვირვებლები ან პირები სტუმრის სტატუსით. კრებას შეიძლება დაესწრონ დაინტერესებული ორგანიზაციების წარმომადგენლები, აგრეთვე სტუმრის სტატუსის მქონე პირები.

12.7. კრებაზე საკითხის განხილვა წარმოებს კრების დღის წესრიგით დადგენილი რიგითობის შესაბამისად.

### 13. ფედერაციის საერთო კრების საორგანიზაციო კომისია

13.1. საორგანიზაციო კომისია უზრუნველყოფს საერთო კრებაზე წევრთა რეგისტრაციასა და რეგლამენტითა და წესდებით გათვალისწინებული სხვა ფუნქციების შესრულებას.

13.2. საორგანიზაციო კომისია შედგება 3 წევრისგან, რომელსაც ამტკიცებს მმართველთა საბჭო. საორგანიზაციო კომისიის უფლებამოსილება წყდება საერთო კრების დასრულებისთანავე. საორგანიზაციო კომისიის წევრი შეიძლება იყოს ნებისმიერი პირი.

13.3. საორგანიზაციო კომისიის წევრები ამოწმებენ ფედერაციის წევრთა ვინაობას მოქალაქის პასპორტში, პირადობის დამადასტურებელ დოკუმენტში ან მართვის მოწმობაში ასახული მონაცემების რეესტრის ჩანაწერთან შედარების მეშვეობით. წევრი, მის მიერ სარეგისტრაციო სიაში ხელმოწერით, ხოლო საორგანიზაციო კომისიის წარმომადგენელი - მანდატზე ხელმოწერით, ადასტურებენ წევრის კრებაზე მონაწილეობის უფლებას. წევრს გადაეცემა ფედერაციის ბეჭდით დამოწმებული მანდატი, რომელზეც მითითებულია კრების თარიღი.

### 14. ფედერაციის საერთო კრების ხმის დამთვლელი კომისია

14.1. საერთო კრების დაწყებისთანავე ხმის დამთვლელ კომისიას 3 წევრის შემადგენლობით ღია კენჭისყრით დამსწრეთა უმრავლესობით ირჩევს კრება საკუთარი შემადგენლობიდან. კანდიდატების მიერ ხმათა თანაბარი რაოდენობის მიღების შემთხვევაში, თუ მათი რაოდენობა ასარჩევ წევრთა რაოდენობას აღემატება, ტარდება განმეორებითი კენჭისყრა საუკეთესო შედეგის მქონე კანდიდატთა შორის. არჩეულად ჩაითვლება ის კანდიდატი, რომელიც მეტ ხმას მიიღებს. ხმის დამთვლელი კომისიის წევრობის კანდიდატურის დასახელების უფლება აქვს კრებაზე დამსწრე ნებისმიერ წევრს. ხმის დამთვლელი კომისიის უფლებამოსილება წყდება კრების დასრულებისთანავე. კომისია თავისი შემადგენლობიდან ღია კენჭისყრით ხმათა უმრავლესობით ირჩევს კომისიის თავმჯდომარეს.



14.2. ხმის დამთვლელი კომისიის თავმჯდომარე, სხვა წევრებთან ერთად ხელს აწერს კენჭისყრის შედეგების ოქმს და შედეგებს მოახსენებს კრებას. ხმის დამთვლელი კომისიის თავმჯდომარის მიერ კენჭისყრის შედეგების ოქმზე ხელმოწერაზე უარის თქმის შემთხვევაში, ოქმს ხელს აწერს კრების თავმჯდომარე.

#### 15. ფედერაციის საერთო კრებაზე ღია კენჭისყრის წესი

15.1. ხმის დამთვლელი კომისია, ხოლო მის არჩევამდე საორგანიზაციო კომისია, ღია კენჭისყრის დროს ვალდებულია დაითვალოს მიღებული ხმები, რომლებიც კომისიის მიერ შეჯამდება და მოხსენდება კრებას.

15.2. ღია კენჭისყრის დროს პირველად ცხადდება საკითხს ვინ უჭერს მხარს, შემდეგ ვინ არის წინააღმდეგი და ბოლოს თავი ვინ შეიკავა. ღია კენჭისყრის დროს პირველ რიგში ცხადდება ინფორმაცია საკითხის მხარდამჭერ პირთა რაოდენობის შესახებ, შემდეგ - მოწინააღმდეგეთა შესახებ, და ბოლოს, იმ პირთა თაობაზე, რომლებმაც თავი შეიკავეს კენჭისყრაში მონაწილეობისაგან.

#### 16. ფედერაციის საერთო კრებაზე ფარული კენჭისყრის წესი

16.1. ფარული კენჭისყრისთვის ხმის დამთვლელი კომისია უზრუნველყოფს დღის წესრიგით გათვალისწინებული ორგანოების წევრთა არჩევისთვის საჭირო ბიულეტენების მომზადებას, რომელზეც დატანილია ასარჩევი კანდიდატების სახელები და გვარები.

16.2. საორგანიზაციო კომისია, კრების თავმჯდომარის მიერ გამოცხადებული ტექნიკური შესვენებისას, წევრებს გადასცემს ბიულეტენებს ფარული კენჭისყრისათვის. ბიულეტენის მიღება და გაცემა დასტურდება წევრის მიერ შესაბამის სიაში ხელმოწერითა და საორგანიზაციო კომისიის წარმომადგენლის მიერ ბიულეტენის შესაბამის გრაფაში ხელმოწერით.

16.3. ბიულეტენების დარიგებისთანავე, საორგანიზაციო კომისია ხმის დამთვლელი კომისიის მეთვალყურეობის ქვეშ ითვლის დარჩენილ ბიულეტენებს, რომლებიც გადაიხაზება ლათინური ნიშნით - Z. გაცემული ბიულეტენების რიცხვი უნდა ემთხვეოდეს კრებაზე რეგისტრირებული წევრების რაოდენობას. ბიულეტენების გაცემის შესახებ დგება ოქმი, რომელშიც მიეთითება გაუქმებული ბიულეტენების რაოდენობა. ოქმს ხელს აწერს საორგანიზაციო კომისიის ყველა წევრი და ხმის დამთვლელი კომისიის თავმჯდომარე.

16.4. ხმის მიცემის პროცედურის დაწყების შემდეგ, წევრები ბიულეტენებს ათავსებენ გამჭვირვალე ყუთში. ყუთი ხმის მიცემამდე უნდა იყოს დალუქული და მასზე პასუხისმგებელია ხმის დამთვლელი კომისიის თავმჯდომარე.

16.5. საარჩევნო ყუთთან ხმის მიცემის დროს მუდმივად უნდა იმყოფებოდეს ხმის დამთვლელი კომისიის სულ მცირე ორი წევრი.

16.6. ხმის მიცემის დასრულებისთანავე, ხმის დამთვლელი კომისიის თავმჯდომარე ლუქავს საარჩევნო ყუთს. ხმის დამთვლელი კომისია უზრუნველყოფს ხმების დათვლას და ადგენს ოქმს. კანდიდატების მიერ მიღებული ხმების რაოდენობა და ბათილი ბიულეტენების ჯამი არ უნდა აღემატებოდეს კრებაზე დარეგისტრირებულ წევრთა რაოდენობას. ოქმს ხელს აწერს ხმის დამთვლელი კომისიის თავმჯდომარე სხვა წევრებთან ერთად და გამოსაცხადებლად გადასცემს კრების თავმჯდომარეს.

#### 17. ფედერაციის მმართველთა საბჭო

17.1. ფედერაციის მართვა ხორციელდება ფედერაციის მმართველთა საბჭოს მიერ.



17.2. ფედერაციის მმართველთა საბჭო შედგება არაუმეტეს 7 (შვიდი) წევრისაგან. აქედან 4 (ოთხი) წევრი კომპლექტდება 4 დამფუძნებლის მიერ პირადად ან კონკრეტული დამფუძნებლის მიერ დასახელებული ფიზიკური პირით (რომელიც თავის მხრივ უნდა აკმაყოფილებდეს ფედერაციის წევრობისთვის დადგენილ მოთხოვნებს), ხოლო დანარჩენ 3 წევრს წინასწარ (საარჩევნო საერთო კრების დღის წესრიგის საბოლოოდ დამტკიცებამდე) წარადგენენ და ირჩევენ ფედერაციის წევრები. მმართველთა საბჭოს წევრების ასარჩევად არჩევნები ჩატარდება 4 (ოთხი) წელიწადში ერთხელ ფედერაციის საერთო კრებაზე.

შენიშვნა: ამ წესდების დარეგისტრირების შემდგომ, გამომდინარე იქიდან, რომ ფედერაციას ამ ეტაპზე არ ყავს წევრები, ფედერაციის მმართველთა საბჭოს დარჩენილ 3 წევრს ირჩევენ ფედერაციის დამფუძნებელი წევრები ერთსულოვანი (ერთ ხმად მიღებული) გადაწყვეტილებით. შესაბამისად, პირველი არჩევნები, ფედერაციის მმართველთა საბჭოს 3 წევრის ასარჩევად, ჩატარდება ფედერაციის 2025 წლის საერთო კრებაზე.

17.3. საბჭო იღებს ფედერაციის ყველა შიდა ნორმატიულ დოკუმენტს საკუთარი გადაწყვეტილებით, სიითი შემადგენლობის უბრალო უმრავლესობით.

17.4. ფედერაციის მმართველთა საბჭოს წევრების რაოდენობის ცვლილებაზე გადაწყვეტილებას იღებს ფედერაციის წევრთა საერთო კრება და ამ გადაწყვეტილებას მხარს უნდა უჭერდეს სულ მცირე 3 დამფუძნებელი, წინააღმდეგ შემთხვევაში გადაწყვეტილება არ ითვლება მიღებულად.

17.5. ფედერაციის მმართველთა საბჭოს წევრის გამოწვევა/გარიცხვა უფლებამოსილების ვადის ამოწურვამდე, მოხდება ზუსტად იგივე წესით და პრინციპით, როგორც მოხდა კონკრეტული პირის საბჭოს წევრად დანიშვნა ან არჩევა.

17.6. ფედერაციის საქმიანობის ორგანიზაციულ-ტექნიკურ მხარდაჭერას უზრუნველყოფს მმართველთა საბჭო სამდივნო, რომელსაც ხელმძღვანელობს მმართველთა საბჭოს თავმჯდომარე.

17.7. საბჭოს გადაწყვეტილებით, ფედერაციის მიზნებისა და ფუნქციების ეფექტიანად განხორციელების მიზნით, შესაძლებელია სამდივნოში შეიქმნას შესაბამისი სტრუქტურული ერთეულები.

17.8. სამდივნოს საქმიანობა განისაზღვრება მისი დებულებით, რომელსაც ამტკიცებს ფედერაციის მმართველთა საბჭო.

## 18. ფედერაციის მმართველთა საბჭოს თავმჯდომარე

18.1. ფედერაციის მიმდინარე მართვა ხორციელდება ფედერაციის მმართველთა საბჭოს თავმჯდომარის მიერ. ფედერაციის მმართველთა საბჭოს თავმჯდომარე არის ფედერაციის ხელმძღვანელობასა და წარმომადგენლობაზე უფლებამოსილი პირი.

18.2. წინამდებარე წესდების დამტკიცების დროისთვის, ფედერაციის დამფუძნებელთა ერთსულოვანი გადაწყვეტილებით, ფედერაციის მმართველთა საბჭოს თავმჯდომარედ არჩეულ იქნა ოთარ კიშინსკი, როლის უფლებამოსილების ვადად განისაზღვრა 4 წელი. პირველი თავმჯდომარის მოადგილეს თავმჯდომარის წარდგინებით ნიშნავს მმართველთა საბჭო და ამ გადაწყვეტილების თაობაზე დგება საბჭოს სხდომის ოქმი.

18.3. ყოველ შემდგომ თავმჯდომარეს და მის მოადგილეს თავის წევრთაგან ოთხი წლის ვადით ირჩევს ფედერაციის მმართველთა საბჭო, შესაბამისი საერთო კრების ჩატარების შემდეგ პირველივე სხდომაზე. პირი ფედერაციის თავმჯდომარედ არ შეიძლება აირჩეს ზედიზედ ორზე მეტი ვადით. თავმჯდომარის კანდიდატურის წამოყენების უფლება აქვს მმართველთა საბჭოს ყოველ წევრს. ახლად არჩეული თავმჯდომარე ასახელებს თავისი მოადგილის კანდიდატურას. ფედერაციის თავმჯდომარისა და მოადგილის



უფლებამოსილება იწყება არჩევის მომენტიდან და გრძელდება, შესაბამისად, ახალი თავმჯდომარისა და მოადგილის არჩევამდე. საერთო კრების შემდეგ, თუ თავმჯდომარე და მოადგილე ახალი თავმჯდომარის და მოადგილის არჩევამდე ვერ ასრულებენ თავიანთ უფლებამოსილებას, ასეთ შემთხვევაში მათი ფუნქციების შესრულება ევალება მმართველთა საბჭოს უხუცეს წევრს.

18.4. მმართველთა საბჭოს თავმჯდომარე:

- ა) წარმართავს ფედერაციის საქმიანობას საწესდებო მიზნების მისაღწევად.
- ბ) ხელმძღვანელობს ფედერაციის მმართველთა საბჭოს საქმიანობას და უძღვება მის სხდომებს.
- გ) წარმოადგენს ფედერაციას სხვა პირებთან ურთიერთობაში.
- დ) ზედამხედველობს ფედერაციის ფინანსური სახსრებისა და სხვა მატერიალურ ქონების მართვას.
- ე) ხელს აწერს ფედერაციის ოფიციალურ დოკუმენტებს.
- ვ) ფედერაციის მმართველთა საბჭოს დასამტკიცებლად წარუდგენს ფედერაციის ორგანიზაციულ სტრუქტურას.
- ზ) ასრულებს ფედერაციის ყველა მმართველობით და ორგანიზაციულ ფუნქციას.
- თ) ასრულებს ამ წესდებით მასზე დაკისრებულ სხვა ფუნქციებს.

18.5. მოადგილე ასრულებს თავმჯდომარის მოვალეობას თავმჯდომარის მიერ განსაზღვრული უფლებამოსილებების ფარგლებში. ფედერაციის თავმჯდომარის გადადგომის ან უფლებამოსილების სხვა სახით შეწყვეტის შემთხვევაში, ახალი თავმჯდომარის არჩევამდე თავმჯდომარის ფუნქციებს ასრულებს მისი მოადგილე.

## V. ფედერაციის ქონება

### 19. ფედერაციის შემოსავლის წყაროები და ქონების განკარგვა

19.1. ფედერაციის ქონება იქმნება: საწევრო შენატანების, წევრთა და სხვა პირთა შემოწირულობების, გრანტების, დამხმარე სამეწარმეო საქმიანობით, პროექტული დაფინანსებით და სხვა კანონიერი გზით მიღებული შემოსავლებისაგან; სასწავლო ცენტრიდან მიღებული შემოსავლებისაგან; ასევე სესხით ან კრედიტით მიღებული სახსრებიდან.

19.2. ფედერაციის ქონება შეიძლება მოხმარდეს მხოლოდ მისი საწესდებო მიზნების განხორციელებას.

19.3. ფედერაციის საკუთრებაში არსებული ქონების გასხვისება შესაძლებელია, თუ გასხვისება ემსახურება ფედერაციის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს.

19.4. ფედერაციის შემოსავლები არ შეიძლება განაწილდეს მის წევრებს შორის.

## VI. ფედერაციის საქმიანობის შეწყვეტა რეორგანიზაცია და ლიკვიდაცია

### 20. ფედერაციის რეორგანიზაცია და ლიკვიდაცია

20.1. ფედერაციის საქმიანობის შეწყვეტა (გაუქმება) ხდება შემდეგ შემთხვევებში:

- ა) ფედერაციის საერთო კრების მიერ ერთხმად (ფედერაციის ყველა წევრის მიერ) მიღებული გადაწყვეტილებით (მათ შორის, გადაწყვეტილება ფედერაციის რეორგანიზაციისა და ლიკვიდაციის შესახებ გადაწყვეტილება).
- ბ) რეგისტრაციის გაუქმების შემთხვევაში.
- გ) კანონმდებლობით გათვალისწინებულ სხვა შემთხვევებში.



20.2. ლიკვიდაციის შედეგად დარჩენილი ქონება განაწილდება ფედერაციის მმართველთა საბჭოს გადაწყვეტილებით მოქმედი კანონმდებლობის შესაბამისად.

20.3. ფედერაციის ლიკვიდაცია დასრულებულად ითვლება მარეგისტრირებული ორგანოს მიერ მისი სახელმწიფო რეესტრიდან ამოღების შესახებ გადაწყვეტილების მიღების მომენტიდან.

20.4. ფედერაციის რეორგანიზაცია და ლიკვიდაცია ხორციელდება საქართველოს კანონმდებლობით დადგენილი წესით.

20.5. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.

20.6. გადაწყვეტილება ფედერაციის ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.

20.7. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავს ფედერაციის საერთო კრება იმავე გადაწყვეტილებით, რითაც გადაწყდა ლიკვიდაცია.

20.8. ფედერაციის ლიკვიდაციისას ქონების გასხვისება შესაძლებელია, თუ:

ა) გასხვისება ხელს უწყობს მის მიერ დასახული მიზნების განხორციელებას;

ბ) ემსახურება საქველმოქმედო მიზნებს;

გ) ქონება გადაეცემა სხვა არასამეწარმეო (არაკომერციულ) იურიდიულ პირს.

20.9. აკრძალულია ლიკვიდაციის შედეგად დარჩენილი ქონების განაწილება ფედერაციის დამფუძნებლებს, წევრებს, ხელმძღვანელობისა და წარმომადგენლობითი უფლებამოსილების მქონე პირებს შორის.

20.10. თუ ფედერაციის წევრთა საერთო კრებამ არ განსაზღვრა ლიკვიდაციის შედეგად დარჩენილი ქონების მიღებაზე უფლებამოსილი პირი, სასამართლო ფედერაციის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს, რომლებსაც აქვთ იგივე ან მსგავსი მიზნები, როგორც ფედერაციას. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების სახელმწიფოსათვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

20.11. ლიკვიდაციას ახორციელებს ფედერაციის მმართველთა საბჭოს თავმჯდომარე ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

20.12. ფედერაციის ლიკვიდაცია დასრულებულად ითვლება მარეგისტრირებული ორგანოს მიერ მისი სახელმწიფო რეესტრიდან ამოღების შესახებ გადაწყვეტილების მიღების მომენტიდან.

## VII. დასკვნითი დებულებები

### 21. დასკვნითი დებულებები

21.1. წინამდებარე წესდება (დამფუძნებელ წევრთა შეთანხმება) ძალაში შედის ყველა დამფუძნებლის მიერ ხელმოწერის და ამ წესდების საჯარო რეესტრში რეგისტრაციის მომენტიდან.



21.2. თუ ამ წესდების (დამფუძნებელთა შეთანხმების) რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

21.3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

### ხელმოწერები

ფრიდონ ბეროშვილი  
ფრიდონ ბეროშვილი  
(დამფუძნებლის სახელი, გვარი)

[ხელმოწერა]  
(ხელმოწერა)

ოთარ კიშინსკი  
ოთარ კიშინსკი  
(დამფუძნებლის სახელი, გვარი)


[ხელმოწერა]  
(ხელმოწერა)

დავით მეშველიშვილი  
დავით მეშველიშვილი  
(დამფუძნებლის სახელი, გვარი)


[ხელმოწერა]  
(ხელმოწერა)

გიორგი მრელაშვილი  
გიორგი მრელაშვილი  
(დამფუძნებლის სახელი, გვარი)

[ხელმოწერა]  
(ხელმოწერა)



(თითხუქი)





თანხმობა მმართველთა საბჭოს თავმჯდომარედ დანიშვნაზე  
# 01/06-21-02

ქ. თბილისი

01 ივნისი, 2021 წელი


მე, ოთარ კიშინსკი (პირადი ნომერი: 33001017478; დაბადების თარიღი: 14.07.1985 წელი; რეგისტრირებული საცხოვრებელი მისამართი: საქართველო, ქალაქი თბილისი, კატო მიქელაძის I ჩიხი, N 11) თანახმა ვარ დავინიშნო არასამეწარმეო (არაკომერციული) იურიდიული პირის „საქართველოს პრეციზიული სროლის ფედერაციის“ (საიდენტიფიკაციო ნომერი: 402034286) მმართველთა საბჭოს თავმჯდომარედ და შესაბამისად, ამ იურიდიული პირის - ფედერაციის ხელმძღვანელობასა და წარმომადგენლობაზე უფლებამოსილ პირად.

ხელმოწერა

ოთარ კიშინსკი

ოთარ კიშინსკი

მ. ჯ.  
(ხელმოწერა)





დამფუძნებელ წევრთა კრების გადაწყვეტილება (ოქმი): # 01/06-21-01  
არასამეწარმეო (არაკომერციული) იურიდიული პირი „საქართველოს მსროლელთა  
გაერთიანება“ (საიდენტიფიკაციო ნომერი: 402034286)

ქ. თბილისი

01 ივნისი, 2021 წელი

კრებას ესწრებოდნენ არასამეწარმეო (არაკომერციული) იურიდიული პირი „საქართველოს  
მსროლელთა გაერთიანების“ დამფუძნებელი წევრები:

1. ფრიდონ ბეროშვილი (პირადი ნომერი: 01017007549; დაბადების თარიღი: 18.08.1972 წელი; რეგისტრირებული საცხოვრებელი მისამართი: საქართველო, ქალაქი თბილისი, წყნეთის შესახვევი, N 5, ბინა 60.)
2. ოთარ კიშინსკი (პირადი ნომერი: 33001017478; დაბადების თარიღი: 14.07.1985 წელი; რეგისტრირებული საცხოვრებელი მისამართი: საქართველო, ქალაქი თბილისი, კატო მიქელაძის I ჩიხი, N 11.)


დღის წესრიგი:

საკითხი 1: არასამეწარმეო (არაკომერციული) იურიდიული პირის „საქართველოს მსროლელთა გაერთიანებისთვის“ სახელის გადარქმევა და წესდების ახალი რედაქციის მიღება/დამტკიცება.


დამფუძნებელ წევრთა კრების მიერ ერთხმად იქნა მიღებული შემდეგი გადაწყვეტილება:


1. არასამეწარმეო (არაკომერციულ) იურიდიულ პირს „საქართველოს მსროლელთა გაერთიანება“-ს გადაერქვას სახელი და ეწოდოს ა(ა)იპ საქართველოს პრეციზიული სროლის ფედერაცია (სპსფ). არასამეწარმეო (არაკომერციულ) იურიდიულ პირი საქართველოს პრეციზიული სროლის ფედერაცია (სპსფ) (ინგლისურად - Georgian Precision Rifle Federation(GEPRF))
2. დამტკიცდეს არასამეწარმეო (არაკომერციული) იურიდიული პირის „საქართველოს მსროლელთა გაერთიანება“-ს (ა(ა)იპ საქართველოს პრეციზიული სროლის ფედერაციის (საიდენტიფიკაციო ნომერი: 402034286) წესდების ახალი რედაქცია, რომელიც თან ერთვის წინამდებარე გადაწყვეტილებას.

ხელმოწერები

ფრიდონ ბეროშვილი  
  
(დამფუძნებლის სახელი, გვარი)

  
(ხელმოწერა)

ოთარ კიშინსკი  
  
(დამფუძნებლის სახელი, გვარი)

  
(ხელმოწერა)

